



Jørgen Rosbach
Inatsisartuni ilaasortaq, Demokraatit

§ 37 naapertorlugu apeqquteqaat

Asasara Jørgen Rosbach

Nunatsinni qarasaasiatigut saassussinermut illersornissaqarfik pillugu Inatsisartut ingerlatsinermut maleruagassaat naapertorlugu apeqquteqarninnut qujanaq. Apeqqutitit ataani akissavakka:

1. Naalakkersuisut nunatsinni qarasaasiatigut saassussinermut illersornissaqarfimmik (CERT) pilersitsinissamut aallarnisaaniarpat??

Nuna tamakkerlugu Digitalinngortitsinermut periusissiaq 2024-2028 atorlugu Naalakkersuisut kissaatigaat inuiaqatigiinni pisortaqarfiit suliffeqarfiillu pisariaqartinneqartut pillugit nittartakkatigut isumannaallisaanerup pitsanngorsarneqarnissaannut Inatsisartut inatsisissaannik siunnersuuteqarnissaq.

Inatsisartut inatsisissaattut siunnersuummi siunnersuutigineqarpoq pisortaqarfeqalissasoq, taassumalu inuiaqatigiinni pisortaqarfiit suliffeqarfiillu pisariaqartinneqartut minnerpaamik piumasaqaatit pillugit siunnersorlugillu nakkutigissavai. Minnerpaamik piumasaqaatit navianaatinut kingunerluutaasunullu nalilersuinerussapput kiisalu upalungaarsimanermut pilersaarutaassallutik.

Pisortaqarfiutaaq pisortaqarfiit suliffeqarfiilluunniit qarasaasiatigut saassunneqartut ikiortassavai.

a. Maani nunatsinni qarasaasiatigut saassussinermut illersornissaqarfimmik pilersitsinermi suut iluaqutissatut Naalakkersuisut isigaat?

Nunatsinni qarasaasiatigut saassussinermut illersornissaqarfimmik pilersitsinerup iluaqutissartaasa annerpaat ilagaat illersornissaqarfiup inuiaqatigiinni pisortaqarfinnut suliffeqarfinnullu nittartakkatigut isumannaallisaaneq pillugu ilisimasaqalersitsinissaa.

Illersornissaqarfiutaaq suliffeqarfiit inuiaqatigiinnut pisariaqarlunnartuunngitsut nittartakkatigut isumannaallisaaneq pillugu ilisimasaqalersitsissapput. Nittartakkatigut isumannaallisaaneq pillugu ilisimasat illersornissaqarfimmit pilersinneqartut suliffeqarfiit minnerusut aamma iluaqutigissavaat.

b. Qarasaasiatigut saassussinermut illersornissaqarfimmik pilersitsineq qanoq akeqassava?

22. september 2025
Sagsnr. 2025 - 19228
Dok. nr. 25751243

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Qarasaasiatigut saassussinermut illersornissaqarfimmi isumannaallisaaneq qaffasittussaavoq. Inuiaqatigiinni pisorta qarfiit suliffeqarfiillu pisariaqartinneqartut mianernarfii illersornissaqarfimmi katersorneqassapput. Illersornissaqarfittaaq inuiaqatigiinni pisorta qarfiit suliffeqarfiillu pisariaqartinneqartut navianaataasinnaavoq.

Illersornissaqarfimmi digitalitigullu isumannaallisaaneq qaffasissumik inissinneqassaaq, taamaalilluni inuiaqatigiinni pisorta qarfiit suliffeqarfiillu pisariaqartinneqartut navianaataat annikinnerutinniarneqartussaalluni.

Ajornerpaamik pisoqassagaluarpat, taava attaveqaataasinnaasut allaanerusut pilersinneqassapput, taamaaliornikkut qarasaasiaqarnermi atortut pilertortumik atassusinitinneqaqqissinnaassapput, innuttaasullu suliffeqarfiillu ulluinnaat ingerlaqqissinnaassalluni.

Nunatsinni qarasaasiatigut saassussinermut illersornissaqarfimmik pilersitsinermut aningaasartuutissanik naatsorsuisoqarnikuunngilaq. Tunngaviumillu pisariaqartinneqartussat tassaapput allaffeqarnissaq, taakkua isertorluni tusarnaarfiusinnaassanngillat aammalu illersornissaqarfimmi attaveqaatit tusarnaarfigineqarsinnaanissaannut aamma isumannaallisarneqassallutik.

c. Nunatsinni qarasaasiatigut saassussinermut illersornissaqarfiup ingerlanneranut ukiumut qanoq akeqassava?

Nunatsinni qarasaasiatigut saassussinermut illersornissaqarfimmik pilersitsinermut aningaasartuutit naatsorsuisoqarnikuunngilaq.

Illersornissaqarfik pillugu unammilligassat ilagissavaat sulisussanik piginnaasalinnik pissarsinissaq. Taamaattumik ingerlatsinermut aningaasartuutit ilagissavaat sulisunik ilitersuineq. Nittartakkatigut isumannaallisaaneq pillugu pikkorissarnerit ajoraluartumik akisupput. Taassumalu saniatigut nittartakkatigut isumannaallisaaneq pillugu paasititsiniaanermut Kalaallit Nunaata iluani angallannissaq naatsorsuutigineqarpoq aammalu danmarkimi pisorta qarfiit assingusut kiisalu EU-mi Agentur for Cybersikkerhed ENISA-p suleqatiginissaanut angalanermut aningaasartuuteqartarnissaq naatsorsuutigineqarpoq.

2. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Aningaasanut kontut 10.98.04 Qarasaasiaqarnermi ataatsimut systemit aammalu 10.98.05 Nuna tamakkerlugu digitalimik aaqqiissutit sipaarniarloqarualartoq 2026-mut Aningaasanut Inatsimmit peerneqarsimanngillat. Taamaaliornikkut aningaasaliissutit iluanni qarasaasiat ingerlaavartumik isumannaallisaanikkut nutarterneqarsinnaapput.

Qitiusumik allattoqarfimmi qarasaasiaqarnermi atortut isumannaallisaanermut malinnaatinneqanngikkaangamik, imaluunniit ilaannakortuinnarmik

suliarineqarsimagaangamik 2022-mi qarasaasiatigut saassunneqarnerup assingamik qarasaasiatigut saassunneqarsinnaapput.

Digitalip iluani ineriartorneq sukkasoorujussuuvoq, tassunga ilanngullugu qarasaasiatigut saassussisarnerit. Tamanna tunngavigalugu Naalakkersuisut cyberimi paasissutissatigullu isumannaallisaanerup iluani suliat ineriartortussatut aammalu iliuuseqarfigiuartussatut isigivaat, taamaaliornikkut innuttaasut suliffeqarfiillu periarfissaqassasut isumannaatsumik digitalimik periuseqarsinnaannerannut.

Inussiarnersumik inuulluaqqusillunga
Med venlig hilsen



Jens-Frederik Nielsen